

COMUN

Al vëgn lascé alsavëi che le Comun da San Martin de Tor á l'intenziun da tó sö por le proscimo isté 2022 nr. 1 studënt/ta (sura 15 agn) por n practicum formatif y de orientamënt pro i ofizi de Comun dai 27 de jügn ai 26 d'agost 2022. Les domandes é da dé jö cina ai 28 d'aurí dales 12.00. Informaziuns plü avisa y le formular por la domanda é da ciapé söla plata internet dl comun.

SAN MARTIN Y LUNGIARÜ

I ti audun al ploan siur Klaus y al curat siur Heinrich na bela festa y n bun tēmp de Pasca. Che ai pois sintí che la noela dla ressureziun y de vita nōia vëgn tuta sö cun ligrēza y portada inant cun entusiasim tla vita de sües ploanies da *San Martin y Lungiarü*

Por sēgn de dilan ai sorvidus por so bel sorvisc orunse ti mēte val' te cēst che le lou da Pasca ais val' da ti dé.

SAN MARTIN

Chi che n'ess nia ciámó paíé ite le contribut por la cōra de 40,00 € por vigni porsona che á complí 18 agn (tuc fora studēnc) sōl cunt dla cōra: IT11J 08010 58830 000304004922 é bel peria da ne s'al desmentíé nia - bel dilan.

Le ciomēnt organich y sambēgn gnanca d'ater ne pó nia gní lascé te cortina (insciö él scrit tl regolamēt), mo al mēss gní tut a ciasa. Bel dilan.

En sabeda ai 30 d' aurí domisdé vëgnel indō romené sö le paisc. Le Comun, la Cooperativa Turistica, i Stödafüch, l' Uniun dl Sport, le Consēi de Cōra, les Uniuns dles ères y di èi, le Grup di Jogn, le KVV, la Musiga, le Cor de dljia, la Uniun patrones, le Club di seniors, l' Aiüt Alpin, l' Uniun dl teater, i Artejans, i lagri y le AVS inviēia düc da gní a romené sö le paisc. I s' incuntun dales 14,00 jōn Pradel, olach'al gnará partí sö i laurs y partí fora i sac metüs a desposiziun dal comun. Ala fin dl de ciafará i partezipanc val' da mangé. I podun düc daidé por en bel paisc - I orun tigní ite les regoles Anti Covid!

La Ciasa de Palsa chir n cogo/na cōga a tēmp plēgn y personal da puzenē. Informaziuns plü menüdes sōn www.ciasadepalsa.it o tel. 0474 524 794

Les Scores dla Val Badia inviēia, adöm cun le Sorvisc ai Jogn, dēr bel geniturs, insegnanc y interessá al referat online "**Le emozioni nei bambini e come gestire i comportamenti difficili**" cun la psicologa dr. Veronika Rottensteiner. Le referat gnará tigní en mercui, ai 13 d'aurí dales 18.00 tres la plataforma Zoom. Chēsc é le link por tó pert: <https://zoom.us/j/99472798618>.

En Lōnesc de Pasca, ai 18 d'aurí, dales 10.30, tēgn la Uniun Ladins Val Badia, do dui agn de palsa, indō sōn la plaza dl Istitut Ladin a San Martin, na matinée culturala, cun i musizisc Katia y Jan Moling "Gota" pro n bufé de liagnes blanches, bira de formēt y üs da Pasca scrinzorá cun dic ladins y lapró n marcé de libri. Düc é bel inviá.



Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194



www.valbadiaonline.it/comunite

17.04. - 24.04.22 nr. 21

ultimo termo por comunicaziuns: jōbia, dales 20.00

DOMÈNIA DE PASCA - C

Vangele do Jan 20,1-9

Le pröm dé dl'edema, é Maria da Màgdala jüda da doman adora, canch'al é ciámò scür, fora dala fossa y à odü che la pera é tuta demez dal sepolcher. Ara é saltada debota da Scimun Pire y dal discepul, a chël che Gejù ti orô bun, y ti à dit: An à tut le Signur fora de sepolcher, y i ne savun nia, olach' an l'à metü. Dailò é Pire y l'ater discepul jüs ia y fora y é rovà fora dal sepolcher; ai é saltà trami deboriada, mo deache l'ater discepul é plü asvelt co Pire, é chël rové por pröm dal sepolcher. Al s'á cufé jö y ite y à odü les fascas de lin ia por tera, mo al n'é nia jü ite. Tratan é inçe rové adalerch Scimun Pire, che ti gnô do, y é jü ite tl sepolcher. Spo é inçe jü ite l'ater discepul, che é rové por pröm dan le sepolcher; al à odü y à cherdü. Ai ne capí nia ciámò la Scritōra, che al messâ pō ressorì dai morc.




La doman de Pasca, de chëra che le vangele da incö cunta, n'é nia na doman gloriosa, de ligrēza, de speranza y de consolaziun. Al é plütosc na cuntia olach'al vëgn chirí y damané cun preocupaziun. Ai é rovà dan la fossa öta.

Al é na cuntia che confida te ci ch'an n'é nia ciámó bugn da splighé y da cunté. Le discepul, a chël che Gejù ti à orü bun, "á odü y cherdü."

Al s'intēnn ch'al n'é plü nia da pié ite, da odëi, da splighé, da desmostré; l'amur ne le lascia nia ia y te so daite nascel la fede che devēta fontana de contentēza, de speranza y de consolaziun.

Image

EDEMA	SAN MARTIN	LUNGIARÛ
17.04.22 DOMËNIA DE PASCA	9.30 Mëssa solëna dla Comunité cun benedisciun dl signé <i>(siur Tone Fiung)</i> 18.00 Öspi da Pasca	8.15 Mëssa solëna dla Cmunité cun benedisciun dl signé <i>(siur Heinrich)</i> 14.30 Öspi da Pasca
18.04.22 LÖNESC DE PASCA <i>Aya,</i> <i>Sabina, Alexander</i>	9.00 Ora d'adoraziun 9.30 Gran Mëssa 3 ^a de sopoltöra de Angelina Vanzi Baldissera	8.15 Gran Mëssa ++ dl Caizer ++ Giovanni y Herta Clara
19.04.22 Dedolönesc <i>Leo, Werner</i>	19.00 Mëssa + Linda Agreiter Winkler por les Püres Animes	
20.04.22 Dedemesaledema <i>Sara, Odeta</i>		7.30 Mëssa dl ann + Cecilia Mischi, Majuns + Iaco Mischi Oraziun por la pesc
21.04.22 Jöbia <i>Anselm , Conrad da Parzham</i>	7.30 Mëssa + Angelina Vanzi Baldissera (dla Uniun) + Maria Planatscher Trebo + Sepl Trebo, Pension Tor Corona por vocaziuns	
22.04.22 Vëndres <i>Cajus, Alessandra</i>	18.30 Adoraziun chîta 19.00 Adoraziun deboriada	7.30 Mëssa + Tarejia Daverda ++ Monica y Rudi Moling
23.04.22 Sabeda <i>Iorz, Adalbert</i>	20.00 Mëssa prefestia por familia de David Chizzali dl ann + Pire Erlacher dl Cheder ++ fam de Pire y Zita Tavella + Hermann Burkia y ++ Pescosta da Verda	18.30 Mëssa prefestia por families de Clemente y Cherubina Clara + Maria Planatscher ved. Zingerle aniv. + Davide Daporta aniv. + Rita Zingerle Clara
24.04.22 2^a DOMËNIA DE PASCA Domënia dla Misericordia	9.00 Corona 9.30 Gran Mëssa por la Comunité a d'intenz. families Prousch y Perathoner ++ Frida y Paul Vantsch ++ siur Vito Rubatscher y suor Maria Dol. Erlacher	7.50 Corona 8.15 Gran Mëssa por la Comunité a d'intenz. en onú dl Sacher Cör de Gejú



Al é Pasca!
Cun ligrëza
orunse s'abracé un cun l'ater.
Al é Pasca,
che salva dal patimënt
y dala mort.
Al é le dé dla Ressorenziun.
Os fredesc,
lascësse ti dí fredesc
ince a chi che nes á le sënn.
I orun pordené döt
por mirit dla Ressorenziun.

do n dit latin